

新修閩鄉縣志

新修閩鄉縣志卷十八

藝文

按班孟堅漢書藝文志專載六藝九流書目而疏釋其原委得失後世方志或收取雜體各篇而標之爲藝文則變而從俗者也閩區區邊邑素無著述專家而志書體要不敢有乖於正軌爰蒐輯軼聞聊備一格固知卷石一勺不足以比嶽海之高深顧語其性質亦山水之類云爾

漢鄭興春秋條例章句

周官注

見漢書本傳

其書雖不傳而鄭康成注經時引之且當時與賈逵並稱卓然一代名家

楊伯僑藏書

皆蝌蚪文字即震所校也

按是書亦無存者然太尉校書在閩爲文明之祖故特記之

楊修書牘

見三國志

唐吳融唐英歌集三卷

宋陳振孫直齋書錄卽收有是集清四庫全書總目提要稱融與韓偓同爲翰林學士故偓有與融玉堂同直詩然二人唱酬僅一兩篇未詳其故以立身本末論之偓心在朝廷力圖匡復以孱弱文士毅然折逆黨之凶鋒其詩所謂報國危曾捋虎鬚者實非虛語純忠亮節萬非融所能及以文章工拙論之則融詩音節諧雅猶有中唐之遺風較偓爲稍勝焉在天佑諸詩人中閒遠不及司空圖沈摯不及羅隱繁富不及皮日休奇闢不及周朴然其餘作者實罕與雁行唐書本傳稱昭宗反正融於御前跪作十許詔少選卽成意詳語當唐詩紀事又稱李巨川爲韓建草謝表以示融融吟罷立成一篇巨川嘆賞不已蓋在當時亦鐵中錚錚者矣今按融詩全唐詩編爲四卷本志詩徵所錄則取其寓居時作與閩有關係者云

王適衛參軍詩集

韓愈爲志墓稱其懷奇負氣出語驚人且與王涯獨孤及張惟素等交遊其品格

可概見矣

明陳舜漁禿筆稿

官稷山訓導時作語多切理補注疏所未備蓋漢學家也

楊仕詩集

邑侯楊受所稱其文章華國爲時名儒亦綽有可觀

申學詩性學緒言 行餘錄

學詩深於宋儒之書多述其自得之語

潘吉忠迪詩集

吉蓋拓落之士宦遊失志故多憤慨之詞

清靳檀三八木數圖一本雙幹圖

按檀以康熙戊寅拔貢官西平縣教諭蓋爲啟發初學而作三八木數謂河圖天
三生木地八成之同居於東方一本雙幹謂一理二氣實生萬物而變化無窮亦

未能獨出新解也

李若迂易解三十卷

若迂高士其義率講變互而詞多聲牙惜爲兵燹所燬
李嘉賓學庸解二帙易經注一冊孝經忠經悟說各一卷

嘉賓本以孝義稱內多躬行實踐之言

周勿逸增益齋拾草 周易卦變圖說 樂畏堂集兩卷

勿逸本忠厚長者不利於仕途而以教職終老讀其書如見其人

周秋元自娛齋詩鈔六卷

秋元以耆儒教授多年門人爲之校刊付梓韓止敬爲作序曰古無專攻吟詠者
東漢建安之年始以名家迄唐而盛嗣後代有傳人國朝漁洋爲大宗四山西涯
竹垞諸君則迭主壇坫近地吳鄭谷屈晦翁亦名馳宇內者也止敬師鶴皋周先
生初事科甲中年脫去篋遺自娛齋詩鈔嘗自編緝其根柢法律節族氣息不知

仰古人比今作者如何惟守分安命素位而行心事時時流露於音韻間信足清尋常饗當貴之肝脾苦貧賤之臟腑不可沒也同門諸友將付梓世兄順齋堅以序屬不敢固辭謹言曰詩本性情實關學養先生之詩一皆中正和平略無沒齒鄉曲沈滯憤鬱之意現於筆端性情何如學養何如知先生者可於詩得之不知先生者亦可於詩得之而或者曰是體用之所由覘也昔朱子以詩寄籍溪胡丈及劉恭父胡五峯見之尙謂有體而無用今先生之詩若何曰止敬之愚不足以語此若其素位而行息出澹定襟懷清尋常饗富貴之肝脾苦貧賤之臟腑則固已自言之而自信之矣或又以簡帙之少惜之曰程伊川吟只三章孟襄陽偏攻五律並千古矣何以多爲哉况多而無關於世道人心皆贅言也抑又以隨意矢口偶雜恢諧未經哲匠宗工鑒定阿好之譏恐屬不免曰是不然也古人著述或藏名山或播當世原以待其人之考論焉耳今亦猶是意也至消閒遣興風前月下之作必盡繩以關雎麟趾音節清廟明堂譜調抑拘矣顧於是獨有感焉先生

再館西瑤時與家嚴鄰舍朝夕晤言情意投洽發爲歌詠者夙聞一二逮披是編始知不下十數今先生往矣而家嚴已白髮皓眉精力漸衰幸猶得見故人斯刻之成案頭新冊絕絃欲續其亦不肖承歡之一端也夫爰撮其大旨如此若品格之高下才力之廣狹則概不敢知以俟閱者之衡量焉光緒九年孟秋旣望書

李步瀛讀易淺說八卷 李氏家言二卷 近事錄二卷 誠求保赤論一卷 訓

女詞一卷 遊山詩鈔二卷 八銘加批八卷

步瀛遊宦川蜀故其書率梓於蓉城其鉞近事多慨惻之意誠求保赤亦見循良本色惟八銘加批純講八股乃當時所尙耳

周維祖尋樂園詩集

維祖本長於駢體而晚好宋學故其詩有儒者意趣

湯浚明孔氏家學淵源記一卷 阿對泉辨廣勤儉歌禹疏九河解等篇

當科舉時代惟知崇尙八比而浚明有志古學亦傑出者也又有重修三鱣堂記

見文徵

李文輝禹貢摘要一卷

聖經本不當摘蓋爲便於教蒙而設

杜寶田慎言歌

見詩徵

張應鰲傷寒辨症 驗方雜編

應鰲本醫學名家因其所閱歷而筆記之於書當與良相論功

劉陰墀晉丹詩集

陰墀性類佯狂人多畏避而詩句獨金石鏗鏘七律尤爲入妙

韓止敬國朝先正備忘錄

是書取材於李元度先正事略而刪其煩冗以合於朱子宋名臣言行錄體裁其名蓋取綱目序中姑藏巾笥以備遺忘之意不敢以著述自居也

靜菴遺書

止敬平日守程子古人之言不得已之意未嘗輕有論著歿後門人搜其遺篋得若干首略加編次富陽夏震武爲作序曰河華於四瀆五嶽源最長而峯巒最秀自陝而東磅礴洶湧鬱積之氣會合以趨中州而閩鄉實當其衝故閩自古多魁偉奇傑非常之士韓生合卿自閩西走三千里謁予靈峯山中出其父靜菴遺書請序靜菴潛菴之子賀復齋高弟而講問於薛仁齋者也潛菴家教主於忠孝廉謹以慕勢利貪功名爲大戒而賀薛倡學秦晉出其門者多一時端人正士靜菴篤守家教參以師說力行不懈河南自二夫子後以正學爲天下宗者數百年自夏峯一變潛菴文園承其緒餘張皇良知直指本心居敬格物力行之訓棄若土苴靜菴獨一以正學爲歸玩其遺書雖少發明而無一言之近似陸王焉韓生既熟聞父師之教果能篤守不移而又精思力踐不爲毀譽利害死生所奪則洛學將自閩而興與山川之氣相應而靜菴之所以繼往開來者固不待予言以爲重也民國七年秋九月五日書雜體文五十九篇各體詩五十六首

薛應祥修道集


當世風波靡之日應祥獨守正不阿故被戕於匪其集多述其所見特不盡諸文律耳

張克嶷自知吟草

嘗自序以爲如昆蟲感時自鳴得意中多憫世憤俗之語頗覺可貴

劉必勃曉舟詩集

亦門人所錄輯涉筆成趣如見其人焉



新修閿鄉縣志卷十九

金石

按舊志本無金石一門然歐陽文忠公集古錄及洪适隸釋皆云楊太尉及沛相繁陽令高陽令諸公碑俱在陝府閿鄉今雖不可見然古籍所稱未嘗沒也民國十三年河南通志局委員採訪搜得唐宋元明碑刻凡十件搨本上呈茲綜合登記而附以近世墓碑志表之文統目爲金石列諸藝文之後以資好古者流覽焉

漢太尉楊震碑

字伯起

缺三字

氏焉聖漢龍興楊憲佐命克項於垓錫

缺四字

公侯之胄必復其始

是以神祇降祚乃生于公實履忠貞恂美且仁博學甄微靡道不該又明尚書歐陽河洛緯度窮神知變與聖同符鴻漸衡門羣英雲集咸共飲酌其流者有踰三千至德通洞天爵不應貽我三魚以章懿德遠近由是知爲亦世繼明而出者矣州郡虛

已競以禮招大將軍辟舉茂才除襄城令遷荊州刺史東萊涿郡太守所在先陽春以布化後秋霜以宣威寬猛惟中五教時序功治三邦聞于帝京徵旋本朝歷太僕大常遂究司徒大尉立朝正色恪勤竭忠無德不痊靡惡不形將訓品物以濟大清而青蠅嫉正醜直實繁橫共構譖慷慨暴薨于時羣后卿士凡百黎萌靡不歔歔垂涕悼其爲忠獲罪乾臨孔昭神鳥送葬王室感寤姦佞伏辜公功乃伸追錄元勳南書慰勞賻贈有加除二子郎中長子牧富波侯相次讓趙常山相次秉寔能繼脩復登上司陪陵京師次奉黃門侍郎牧子統金城大守沛相讓子著高陽令皆以宰府爲官奉遵先訓易世不替天鍾嘉祚永世罔極統之門人汝南陳熾等緣在三義一頌有清廟故敢慕奚斯之追述樹玄石于墳道其辭曰

穆穆楊公命世而生乃台吐耀乃嶽降精明明天子實公是匡冥冥六合寔公是光霽霽其直皦皦其清懿矣盛德萬世垂榮勒勳金石日月同炯

右楊震碑首題云漢故太尉楊公神道碑銘文字殘缺首尾不完其可見而僅成文

者云聖漢龍興神祇降祉乃生于公又云窮神知變與聖同符鴻漸衡門羣英雲集
又云貽我三魚以章懿德又云大將軍辟舉茂才除襄城令遷荊州刺史東萊涿郡
太守又云司徒太尉立朝正色恪勤竭忠其餘字存者多而不復成文矣治平元年
六月十日書

集古錄

右隸書不著書撰人名氏其前不完碑首題曰漢太尉楊公神道碑銘震安帝時位
至太尉碑在陝府閿鄉縣

集古錄目

右漢故太尉楊公神道碑銘篆額楊公名震洪農華陰人安帝時爲司徒垂四載爲
大尉閱半載以延光三年卒楊氏墓在陝州閿鄉所存隸碑凡四此碑乃其孫沛相
統之門人汝南陳熾等所立碑中載楊秉陪陵則威宗延熹八年事也沛相以靈帝
建寧元年卒此碑蓋建寧以後刻者去楊公物故時已四十餘年碑載其諸子官秩
凡四人而傳云震五子誤也今之門下士且握權則獻諛飾詐靡所不至夕失勢則
相忘於江湖矣沛君已死而門人爲禰廟立碑漢人風義後人不可跂及奚斯所作

蓋謂作廟此及張納費汎碑皆誤用

隸釋

楊震碑篆額二行黑字有穿碑十八行行二十八字碑陰二十五行行九人穿在第二第三列之間凡複姓者十二人惟公王子舉上官仲祖信成君嚴三川宣闕四人各高出其列一字

隸續

碑云長子牧次讓次秉次奉傳五子止列牧秉奉而遺讓據碑云四子傳誤矣建寧中牧之子統爲金城太守沛相門人汝南陳熾等立碑陰可識者河東孫定博以下百九十餘人皆其孫之門人也字而不名何耶

金石小箋

傳云舉茂才四遷荊州刺史不詳所遷者何官碑止除襄城令遷荊州其餘自太守至太尉皆同但震性剛言直違時罹禍如劾王聖救趙騰糾劉環黜耿寶地震封事尤爲愷摯碑無一字及之卽關西孔子之號王密暮夜之金無可忌諱而皆不及之何也傳五子碑牧讓秉奉凡四人當以碑爲正後復詳序牧子統金城太守沛相讓子著高陽令而不及牧孫奇奇子亮秉子賜奉子敷敷子衆又何也楊氏碑甚多皆

在閬鄉縣墓中有繁陽令碑亦牧之少子惜遺其名

金石錄

按碑字縹緲如游絲古質如蟲穿蝨蝕兼有楷隸體昔人謂褚登善書如美女簪花或謂其出于漢隸觀此碑知非欺人之論也攷太尉七世祖喜以斬項籍封赤泉侯故云克項于垓大將軍者鄧騭也喜字下从心古字通用碑皆與後漢書傳合惟除襄城令傳所未及然傳云四遷者碑亦未詳洪丞相隸釋云碑載其諸子官秩凡四人傳云震五子誤按新唐書宰相世系表稱太尉五子牧里秉讓奉碑所未及者里也是太尉實有五子里或未仕或早亡故不載爾碑稱長子牧富波侯相而世系表稱牧荊州刺史富波侯考楊氏二侯太尉孫賜晉臨侯曾孫衆先封宜陽侯更封蕩亭未聞侯富波者又考王霸以建武二年封富波侯十三年改封向侯而郡國志稱富波侯國永元中復則牧實相非侯新唐書誤也其稱牧荊州刺史殆亦承傳中高舒至荊州刺史之文皆當以碑爲正太尉卒後門生虞放陳翼詣闕訟寃得以禮葬而陳熾復爲樹述貞石蓋東漢人重師門篤氣誼名節所標可風後世如此云貽我

三魚指冠雀銜三鱣魚飛集講堂事又云神鳥送葬者謂葬前大鳥集喪前悲鳴葬畢乃飛去也隸釋又載碑陰一百九十餘人皆太尉孫統之門人今不得見矣

金石萃編

楊震碑陰

河東孫定博河東唯彥淵河東刁仲凱汝南張伯玉河間劉公顯河間賈伯錡河間劉子顯博陵劉顯祖中山劉文章彭城閻丘世成中山石元密山陽趙敬德山陽趙輔朔山陽師子則魏郡邢升高魏郡劉楊先河南楊中和弘農輔子文彭城劉德祖沛國朱彥祖沛國朱季優沛國兒伯玉

缺三字
儀公人缺一

中山張真明魯國朱登高汝

南尹仲宗汝南周升舉汝南陳世則汝南張伯舉平原翟伯真渤海高文欽甘陵傅君璋河南端滿公彭城虞太伯河東馮德時涿郡張子岐陳留董公憲河內樊公琦河內張世輔河內張子威河內涅君興漢陽張孟孝東郡劉季義魏郡岐伯犀

缺一人

汝南

缺

憲長汝南袁子昌汝南張文靈勃海黃仲博勃海楊伯牙勃海吳仲犀勃海

公玉子舉河南馬子才河南閔通遠河南趙公軼南陽衛彥公南陽程輔時南董仲